

### 0.0.1 kālākārāmasuttaṃ

1. evaṃ me suttaṃ: ekaṃ samayaṃ bhagavā sākete viharati kālākārāme. tatra kho bhagavā bhikkhū āman-  
tesi bhikkhavoti. bhadanteti te bhikkhū bhagavato  
paccassosum. bhagavā etadavoca:

2. yaṃ bhikkhave sadevakassa lokassa samārakassa  
sabrahmakassa sassamaṇabrāhmaṇiyā pajāya sadeva-  
manussāya diṭṭhaṃ suttaṃ muttaṃ viññātaṃ pattaṃ  
pariyesitaṃ anuvicaritaṃ manasā, tamahaṃ jānāmi.

3. yaṃ bhikkhave sadevakassa lokassa samārakassa  
sabrahmakassa sassamaṇabrāhmaṇiyā pajāya sadeva-  
manussāya diṭṭhaṃ suttaṃ muttaṃ viññātaṃ pattaṃ  
pariyesitaṃ anuvicaritaṃ manasā, tamahaṃ abbhañ-  
ñāsim. taṃ tathāgatassa veditaṃ. taṃ tathāgato na  
upaṭṭhāsi.

4. yaṃ bhikkhave sadevakassa lokassa samārakassa  
sabrahmakassa sassamaṇabrāhmaṇiyā pajāya sadeva-  
manussāya diṭṭhaṃ suttaṃ muttaṃ viññātaṃ pattaṃ  
pariyesitaṃ anuvicaritaṃ manasā, tamahaṃ najānā-  
mīti vadeyyaṃ, taṃ mama assa musā.

5. yaṃ bhikkhave sadevakassa lokassa samārakassa  
sabrahmakassa sassamaṇabrāhmaṇiyā pajāya sadeva-  
manussāya diṭṭhaṃ suttaṃ muttaṃ viññātaṃ pattaṃ

pariyesitaṃ anuvicaritaṃ manasā, tamahaṃ jānāmi  
ca na ca jānāmīti vadeyyaṃ, tampaṃsā tādissameva. ta-  
mahaṃ neva jānāmi na najānāmīti vadeyyaṃ, taṃ mama  
assa kali.

6. iti kho bhikkhave tathāgato daṭṭhā daṭṭhabbaṃ diṭ-  
ṭhaṃ na maññati. adiṭṭhaṃ na maññati. daṭṭhabbaṃ  
na maññati. daṭṭhāraṃ na maññati. sutā<sup>1</sup> sotabbaṃ  
sutaṃ na maññati. asutaṃ na maññati. sotabbaṃ  
na maññati. sotāraṃ na maññati. mutā<sup>2</sup> motabbaṃ  
mutaṃ na maññati. amutaṃ na maññati. motabbaṃ  
na maññati. motāraṃ na maññati. viññātā<sup>3</sup> viññā-  
tabbaṃ viññātaṃ na maññati. aviññātāṃ na maññati.  
viññātabbaṃ na maññati. viññātāraṃ na maññati.

7. iti kho bhikkhave tathāgato diṭṭhasutamutaviññā-  
tabbesu dhammesu tādīyeva tādī. tamhā ca pana<sup>4</sup> tā-  
ditamhā añño tādī uttaritaro vā paṇītataro vā natthīti  
vadāmīti.

yaṃ kiñci diṭṭhaṃ vā sutam mutaṃ vā,  
ajjhositam saccamutaṃ paresaṃ;  
na tesu tādī sayasaṃvutesu,  
saccaṃ musā vāpi paraṃ daheyyaṃ.

---

<sup>1</sup>sutvā machasaṃ.

<sup>2</sup>mutvā machasaṃ.

<sup>3</sup>viṭṭatvā machasaṃ.

<sup>4</sup>tādimhā machasaṃ.

etaṃ ca sallamaṃ paṭigacca<sup>5</sup> disvā,  
 ajjhositā yattha pajā visattā;  
 jānāmi passāmi tattheva etaṃ,  
 ajjhositamaṃ natthi tathāgatānanti.

---

<sup>5</sup>paṭikacca machasaṃ.